

Surat khabar: Utusan Sarawak (Sada Sarawak)

Hari/Tarikh: 3/3/2016

Muka surat: S1

Tajuk : Smart Phonics berengkah dikena taun tu

# Smart Phonics berengkah dikena taun tu

**KUCHING:** Opis Pengelantang Pendidiau, Pemansang Indu enggau Ruang Bilik ngaga pemutus milih Smart Phonics baka ke diperambuka Universiti Malaysia Sarawak (UNIMAS) chara pemadu baru dikena ngajar nemiak sekula enggau tadika di negeri tu ngena jaku English.

Menteri Pengelantang Pendidiau, Pemansang Indu enggau Ruang Bilik, Datuk Fatimah Abdullah madahka, pemutunya digaga penguduh Kunsil Pemansang Pelajar Tumu Nemiak Mit Sarawak (MPAKS) mendingka penerang ari UNIMAS senentang Smart Phonics ke ngena munyi jaku sebut dikena mantu nemiak sekula pra sekula enggau tadika belajar macha sereta bejaku ngena jakunya.

"Smart Phonics deka dikena ngajar bejaku ngena jaku English ngagai nemiak sekula pra sekula tadika ijinsi perintah ke dijaga Opis Pelajar Nengeri (JPN), Opis Pemaju Mensia Mayuh (JPNIN) di negeri tu, tang enda dikena ba swasta," ku iya penguduh nyadi tuai aum MPAKS bejuraika chara dikena ngemanahka agi chara ngajar ngena jaku English ba Kompleks Baitulmakmur, Petra Jaya kemari.

Aum nya mega disereta Penulung Menteri Pelajar Tumu Nemiak Mit enggau Pemansang Ruang Bilik, Rosey Yunus, Pengarah Biro Servis Pelajar

Kunsil Islam Sarawak, Datu Dr Adi Badiozaman Tuah enggau Pengarah Pelajar Nengeri, Hajah Rakayah Madon.

Ku Fatimah, tadika enda ngena chara ke baka nya laban tebal agi sida iya udah ngena chara chara bukai ke nyau deka sebaka enggau Smart Phonics.

"Timpuh sesyen ngajar nemiak sekula enggau tadika ngena Smart Phonics pengelama 20 minit. Chara ke baka nya ukai dikena nganti kokurikulum Standard Pra Sekula Nasional baka ke dikena pra sekula enggau tadika negeri tu, tang dikena ngemanahka agi chara ke udah bisi," ku iya.

Kebuah sida iya milih chara ke baka nya laban iya ngerinduka ati nemiak pra sekula enggau tadika ke beumur antara lima ngagai enam taun laban lebih mudah belajar bejaku sereta ngasuh sida iya bisi pengelantik ngena jaku English sebadau nyingkang ngagai sekula primari ngambika ulih bejaku sereta nulis ngena jakunya.

"Dipelabaka nyau deka manggai ba 95 persen bala anak ke belajar ba pra sekula enggau tadika ijinsi perintah di negeri tu ulih ngena jaku English enggau manah ngena Smart Phonics. Nya setipak enggau pelasar perintah negeri ke deka ngasuh jaku English nyadi jaku kedua dikena rayat negeri tu," ku iya.

Sida iya deka ngasuh UNIMAS nyediaka penerang lebih



**BENUNG BERUNDING ...** Datuk Hajah Fatimah Abdullah benung nanya Penulung Pemesai Ngerijista, Opis Kad Pengelala enggau Rayat Menua (JPN) Sarawak, Kibtiah Saleh sereta Pemesai Ngerijista Opis Beranak, Pematengga Anak Iru, Opis Pengerijista Menua (JPN) Sarawak Zakaria Idris, Sapit Pengarah Opis Pengerijista Menua (JPN) Sarawak Amelia Lee (duduk kanan) enggau Umang Jabu penguduh berandau enggau JPN Nengeri Sarawak senentang 'stateless child' ba Kompleks Baitulmakmur, Kuching kemari.

silik senentang perambu dikena ngajar ke deka dipejuraika ba kabinet negeri senentang latih

enggau pengajar pra sekula sereta tadika kelimpah ari milih pelilih menua ke berengkah ngena

chara ke baka nya.

"Kami melabaka UNIMAS ulih nyediaka penerang silik ba

timpuh sebulan sebadau dibai ngagaim kabinet laban kami nagaka chara Smart Phonics

deka dikena semua pra sekula enggau tadika di negeri tu berengkah ari taun tu," ku iya.

Disediakan oleh: Olivia Ajan

Bahagian Perancangan Dan Komunikasi Korporat